



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-132-5/22**
Datum: **27.04.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica «HOLDINA» d.o.o. Sarajevo za donošenje Rješenja o vodnoj dozvoli za ispuštanje oborinskih onečišćenih otpadnih voda u prirodni recipijent sa lokacije objekta benzinske pumpe sa pratećim sadržajima izgrađene u ulici Prijedorska bb, u Sanskom Mostu, na osnovu člana 109. stav (1) Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E
o vodnoj dozvoli

1. Daje se vodna dozvola pravnom licu „HOLDINA“ d.o.o. Sarajevo, za ispuštanje onečišćenih oborinskih voda sa lokacije objekta benzinske pumpe, lociranog u ulici Prijedorska bb, izgrađene na zemljištu označenom kao k.č. broj 1529, K.O. Sanski Most, općina Sanski Most.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpe sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnim dvoplašnim rezervoarima sa sistemom za automatsku dojavu o procurenju, zapremine 3x50 m³.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.5. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent – kolektor javnog gradskog kanalizacionog sistema, prema uvjetima datim Rješenjem broj: 02-113/17, izdanim od strane JKP „Vodovod i kanalizacija“ d.o.o. Sanski Most, dana 02.03.2017. godine.
 - 3.6. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje

separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
 - 3.9. Talog iz separatora ne smije se ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – tačka 22. tabele Određivanje koeficijenta zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik „HOLDINA“ d.o.o. Sarajevo je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana izdavanja ovog rješenja.
 10. Prije isteka važnosti ove dozvole korisnik objekta je dužan da podnese zahtjev za izdavanje nove vodne dozvole.
 11. Ovo Rješenje o vodnoj dozvoli se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu vodnog akta.

O b r a z l o ž e n j e

Pravno lice, „HOLDINA“ d.o.o. Sarajevo, obratilo se ovoj Agenciji dana 11.03.2022. godine sa zahtjevom za izdavanje vodne dozvole za ispuštanje oborinskih onečišćenih voda sa lokacije objekta benzinske pumpe locirane u Prijedorskoj ulici bb, izgrađene na zemljištu označenom kao k.č. 1529, K.O. Sanski Most, općina Sanski Most.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Kopija Rješenja o izmjenama podataka, izdano pod brojem 065-0-Reg-21-003839, dana 08.11.2021. godine, od strane Općinskog suda u Sarajevu,
- Kopija Uvjenja o poreznoj registraciji, izdano dana 03.10.2002. godine, od strane Federalnog ministarstva financija - finansija, Porezne uprave – Kantonalni ured SARAJEVO,
- Kopija rješenja, kojim se utvrđuje da su izvedeni radovi na izgradnji benzinske pumpe u Sanskom Mostu, Prijedorska, označenom kao katastarska čestica 1529 KO Sanski Most, izvršeni u skladu sa tehničkom dokumentacijom na osnovu koje je izdato odobrenje za građenje, svim tehničkim propisima, te se isti kao tehnički ispravan MOŽE KORISTITI; izdano od strane Službe za prostorno uređenje, imovinsko-pravne i stambene poslove općine Sanski Most pod brojem 03-23-3090/99, dana 17.08.1999. godine, na zahtjev Kumalić Rifeta kao odgovornog lica Prodista doo iz Sanskog Mosta,
- Tehnički elaborat o ispuštanju otpadnih voda iz objekta benzinske stanice u Sanskom Mostu, urađen od strane „ZAVOD ZA VODOPRIVREDU“ d.d. Sarajevo jula 2014. godine, br. :ZZV-HP-TE-637-24,
 - Rješenje o vodnoj dozvoli za skladištenje i promet opasnih materija i ispuštanje tehnoloških otpadnih voda; izdano od strane AVP Sava pod brojem UP-I/25-3-40-508-4/13, dana 07.10.2013. godine,
 - Rješenje o vodnoj dozvoli za zahvatanje vode i ispuštanje sanitarnih otpadnih voda izgrađenog poslovnog objekta benzinske stanice; izdano od strane Općinske službe za razvoj, poduzetništvo i resurse Općine Sanski Most pod brojem; UP-1-02-25-521/13, dana 16.05.2013. godine,
- Kopija naloga za plaćanje upravne pristojbe,
- Kopija Rješenja, kojim se izdaje obnovljena okolišna dozvola operatoru „HOLDINA“ d.o.o. Sarajevo za objekat benzinske pumpe sa pratećim sadržajima koja se nalazi u ulici Prijedorska bb, općina Sanski Most, na zemljištu označenom kao k.č. broj 1529/2 K.O. Sanski Most, kapacitet spremnika za gorivo ukupno iznosi 150 m³ (3x50 m³); izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-23-15164-UP-1/17, dana 04.07.2018. godine, u Bihaću,
- Kopija Rješenja o vodnoj dozvoli, izdano od strane Agencije za vodno područje rijeke Save pod brojem UP-I/25-3-40-686-9/16 dana 14.04.2017. godine,
- Kopija Izvještaja o monitoringu kvaliteta i kvantiteta otpadnih voda benzinske pumpe „HOLDINA“ Sanski Most, urađeno od strane „Inspekt – RGH“ d.o.o. Sarajevo pod brojem 402/21 dana 17.03.2021. godine,
- Kopija Ugovora za usluge čišćenja separatora i bioloških prečištača za Holdinu d.o.o. Sarajevo, sklopljen sa DELTA PETROL d.o.o. Kakanj dana 05.08.2019. godine,
- Kopija rješenja o vodnoj dozvoli za zahvatanje vode i ispuštanje sanitarnih otpadnih voda; izdano od strane Općinske službe za razvoj, poduzetništvo i resurse Općine Sanski Most pod brojem UP-1-02-25-819/18, dana 06.02.2019. godine,
- Opšti akt o održavanju, korištenju i osmatranju vodnog objekta i postupanju u slučaju kvara, urađen dana 09.05.2012. godine,
- Zaključak o posebnim troškovima, izdan od strane Agencije za vodno područje rijeke Save pod brojem UP-1/21-3-40-132-2/22 dana 11.04.2022. godine te kopija naloga za plaćanje za iste.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpe sa pratećim sadržajima Holdina Sanski Most i tom prilikom sačinjen zapisnik o uviđaju broj: UP-1/21-3-40-132-4/22 od 20.04.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekt benzinske pumpe sa pratećim sadržajima „HOLDINA“ d.o.o. Sarajevo, je izgrađen u ulici Prijedorskoj u Sanskom Mostu.

Objekat se sastoji od maloprodajnog objekta sa sanitarnim i upravnim prostorijama, nadstrešnice, aparata za istakanje goriva, spremnika za gorivo, separatora, internih saobraćajnih i parkirnih površina te zelenila.

Gorivo se dovozi autocisternama i pretače u ukopane dvoplašne spremnike, kapaciteta 150 m³ (3x50). Sanitarne otpadne vode iz maloprodajnog objekta su kanalizacionim cijevima sprovedene do ispusta u kolektor javnog kanalizacionog sistema. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do ispusta u kolektor javnog gradskog kanalizacionog sistema. Oborinske vode sa manipulativnih i pretakališnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskim slivnim rešetkama i slivnicima te preko separatora ulja i masti ispuštaju u kolektor javnog gradskog kanalizacionog sistema.

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „HOLDINA“ d.o.o. Sarajevo, ispunio minimum uslova za izdavanje vodne dozvole za ispuštanje oborinskih onečišćenih voda sa lokacije objekta benzinske pumpe locirane u Prijedorskoj ulici bb, općina Sanski Mos te je riješeno kao u dispozitivu ovog rješenja

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.


Obrađivač akta:

Ahmet Smajlović, dipl. inž. arh.

Prilog:

- Tehnički elaborat o ispuštanju otpadnih voda iz objekta benzinske stanice u Sanskom Mostu, urađen od strane „ZAVOD ZA VODOPRIVREDU“ d.d. Sarajevo jula 2014. godine, br. :ZZV-HP-TE-637-24

Po ovlaštenju
Rukovodilac sektora za izdavanje vodnih akata


Hans Ališehović, dipl. inž. građ.

Dostaviti:

- „HOLDINA“ d.o.o. Sarajevo, Azize Šaćirbegović 4b, 71 000 Sarajevo,
- AVP Sava, ISV – Vodna knjiga
- Sektor 50
- ⊖ Sektor 40, arhiva
- Oglasna ploča-AVP Sava